

不優待鑄將何以自明此問題不容不豫爲聲敘美使柔君二月以後如果不踐所約惟有照行前議專設總會聯絡各埠實行抵制各法上海應用會費不煩二人如變初心有如皦日

答杭州士民

惠書祇悉簡明章程未見附到擬勸寓滬同鄉不辦美貨刻下時尙未到前與美使柔君面議乃定兩個月後改良美使請寬六個月雖未允許而此去正當暑假美例假內向不開會自是實情姑俟二月期滿函詢美使如果美使不能切實聲復那時特開總會傳電各埠實行抵制所幸茲事萬衆一心實行抵制不愁不達亦既達矣不必慮少數華商只顧私利蓋少數華商亦具有人格者既具人格應不至天良悉泯熱血全無至與同種同胞顯相反對謹此奉復祇頌熱力並求少安毋躁

答本埠商務總會嚴小舫徐雨之周金箴三觀察

接奉惠書祇承一一鈔件亦照閱悉籌議抵制美人辦法注重不用美貨傳電各埠後陸續接准函電萬衆一心一律照辦民心團結迥異從前大是可喜然民心所以

能團結者皆數年來 朝廷諭設學堂資遣游學之功效以此次議聯抵制若無各學堂爲之後盾美人亦不致感動若此也約本如何改良前曾稟請 外部先由商會公閱然後由部畫押并聲明換約謀及商人或訝無此政體此中國向來之說若外國則素重商權無一國不諮詢後行所以辦理外交鮮有債事等語不識大部能俯照所請否約本改良本予兩月之限美使以爲不及請寬六個月且看如何改法若仍不如衆意不用美貨一准切實照行所不能照行者不過少數之做美貨華商耳然大衆相戒不用則少數華商雖欲自便私圖我知亦有所顧忌此蓋不佞一月以來密察各埠人心而知事可實行不必復懼一二媚外華商必欲與美人交易也

答各埠公函

美約事至十八日爲實行不用美貨之期特開大會到者極衆衆意極堅而所做美貨之家以已定之貨爲詞多所反對不獲已議定從十八日起不定美貨各業均已簽允至於不買美貨人各有權悉隨衆意識定後卽電告各埠聞日來美人有加急公電稟知美外部速議改良又接我外務部電云美使已來酌議云云據此以觀當